

Na osnovu Poglavlja III. tačke 1. Odluke o organizaciji Sekretarijata Parlamentarne skupštine Bosne i Hercegovine („Službeni glasnik BiH“, br. 92/05 i 63/08) i saglasnosti Zajedničkog Kolegija oba doma Parlamentarne skupštine BiH sa 27. i 28.sjednice, Kolegij Sekretarijata Parlamentarne skupštine Bosne i Hercegovine je, na svojoj 73. sjednici, održanoj 15.07.2010. godine, donio

PRAVILNIK
o provođenju stručne prakse u Sekretarijatu
Parlamentarne skupštine Bosne i Hercegovine

Član 1.
(Predmet)

Ovim pravilnikom utvrđuje se način i postupak provođenja stručne prakse u Sekretarijatu Parlamentarne skupštine Bosne i Hercegovine (u daljnjem tekstu: Sekretarijat).

Član 2.
(Raspoređivanje)

Kolegij Sekretarijata, u skladu sa zaključenim Memorandumom, upućuje lica radi praktične obuke u pojedine organizacione jedinice unutar Sekretarijata.

Član 3.
(Nadzor nad provođenjem prakse)

- (1) Nadzor nad provođenjem stručne prakse provodi državni službenik u organizacionim jedinicama Sekretarijata koje odredi Kolegij Sekretarijata.
- (2) Državni službenik, kojeg Kolegij Sekretarijata ovlasti da nadgleda stručnu praksu, obavezan je da izradi plan stručne prakse i dostavi ga na odobravanje Kolegiju Sekretarijata.

Član 4.
(Dužnosti lica na praksi)

Lica koja provode stručnu praksu u Sekretarijatu Parlamentarne skupštine Bosne i Hercegovine dužna su:

- a) poštovati sve provedbene akte Sekretarijata i Parlamentarne skupštine Bosne i Hercegovine;
- b) potpisati izjavu o čuvanju poslovne tajne i drugih materijala koji im budu dostupni za vrijeme obavljanja stručne prakse, a koji nisu dostupni javnosti, te
- c) ponašati se u skladu s Kodeksom ponašanja zaposlenih u Sekretarijatu i Pravilnikom o kućnom redu.

Član 5.
(Izveštaj o završenoj stručnoj praksi)

- (1) Nakon završene stručne prakse, učesnici obuke podnose izvještaj Kolegiju Sekretarijata uz saglasnost državnog službenika koji je bio odgovoran za nadzor nad provođenjem stručne prakse.

- (2) Licima koja su završila stručnu praksu u Sekretarijatu Kolegij Sekretarijata izdaje uvjerenje o završenoj stručnoj praksi.

Član 6.

(Stupanje na snagu)

Ovaj pravilnik stupa na snagu danom donošenja.

Broj: 03-34-G-1416-1/09
Datum: 15.07.2010



Aljoša Čampara
Branka Todorović
Marin Vukoja